

Jut

Nalobulat napisulan aJut totosi

Ase itos nalobulat napisulan egai?

AJut itosi.

AJut itosi hən nəsə?

Nalobulat napisulan egai ikel mai alat siYesu ke ivoi ke leləlgau hən galito hən asike ahai pusan gəgəras gail ləbēmədas nadəlōmian salito.

AJut itosi van hən ase?

Itos nalobulat napisulan egai van hən alat siYesu len naut gail pisi.

AJut itos nalobulat napisulan egai ηais?

Itosi pəpədaŋ hən nasihau tovi A.D. 66.

1) AJut ikel na-ke-ivoi-an mai alat siYesu (1-2)

2) AJut itos nalobulat hən bikel naləlgəuan mai alat siYesu (3-4)

3) AGot eriŋ nəpanismen len nəvanuan mai aŋel lotogol tosa sutuai ale dereh teriŋ nəpanismen len alat lotogol tosa daməŋai (5-16)

4) Il gəgat len nadəlōmian (17-23)

5) Nə-maris-kotovi-an tosal suh aGot (24-25)

Na-ke-ivoi-an seJut

¹Ginau aJut notovi naslev siYesu Kristo mai notovi aŋan aJemes, ginau nutos nalobulat napisulan egai van hən gamit, aGot tolekis hən gamito hən mətbevi esan. AGot Tata eləmas masuŋ hən gamito, aYesu Kristo ekətkəta kəkol hən gamito hən asike mətəbiməkuv dani.^a

²AGot, nəlon titaŋis gamito, gai tigol nəlomit tikad natəmət mai gai teləmas bun gamito. Natgalen tepul am tabtab len gamito.

Ahai pusan gəgəras gail

³Gamit notoləmas bun gamit pisi, noləŋon masuŋ hən nəbitos nalobulat van hən gamito husur nə-lav-kuvi-an dan nəsaan gidat pisi datto-kade. Be nunau ke nimastosi van hən gamito husur natsual am hən mətbehisi habat hən mətbeŋəgau gat naŋusanan hən nadəlōmian sidato. Naŋusanan galenan, aGot eviol vəha-sua hənī ηai mai nəvanuan san

^a 1.1 Mat 13.55; Mak 6.3

gail. ⁴Nokəmaienan husur ikad nəvanuan galevis ləsəkad nadələmian ideh len aGot. Galit loliligis mədau hən galit len gamito, luke narubətan siGot idam hən ke laluman mai latpəhəvut loləboi ləbəhusur nəvide taṽtaṽor, nəvide selipah. Nəvanuan galenan ləsəkad nadələmian, lupair dan aMasta sidato tosua səbən ηai, Nasuḅ aYesu Kristo. Na-tos-gati-an ta sutuai ikele tia ke dereh limaspanis sil natgalenan.^b

⁵Məttoləboi natgalenan tia, be nuke nigol mitinau təlmam hən ke, naut kəmas Nasuḅ tosəhar kuv nəvanuan san gail dan naut a Ijip, len nəboη lotohusur nəboη galenan, galit galevis ləsəkad nadələmian lan. Sil natenan igol galit pisi ləsəkad nadələmian lan lumasig buni.^c ⁶Mitinau təlmam hən aηel gail ləsail gəgat len namilelito be lotogam dan naut a im salito. AGot itah gat galit len nəmargobut topat vi sutuai. Ibanis gat galito vir nəboη totibau bəpəpəhun navoian dan nəsaan lan. ⁷Ale nəlomit satibəboη hən nəbiltivile eru enan, Sotom mai Koḃorraḃ mai navile gail lotodar vis gəlaru. Nəvanuan naut galen gail lohusur nəvide hən naitian tosa, nəvide hən naitian tiltile ləsanor. Alat nəbiltivile galenan lumasig buni len nəhab hum nalələgauan husur nəhab topaη vi sutuai bəvi nəpanismen silat lotosa.^d

⁸Len nəvide tomagenan, aḃai pusan gəgərəs galenan, lohusur nəbəber salito, gol ke lotogol nibelit toḃiηḃiηal len nəvide tosa lotohusuri. Lomətahun avan ideh bəil a mo hən galito, ale losəvar alat lotoyalyal len nəmav. ⁹Lupesəvar magenan wake aMikael, naut kəmas toṽat nəhes hum abiltiηel, gai sasəvar Natəmat. Nəboη aMikael tosor balbal mai Natəmat, toṽitṽituh maii husur niben aMoses, len nəboη enan, aMikael sasor vile-si. AMikael eləboi ke savi esan hən bisab səḃoti hən ḃipanis, savi esan hən ḃisor ḃisa lan, ale ikel maii ηai ke, “Nasuḅ maṽ tesivoh len gaiug!”^e ¹⁰Be aḃai pusan gəgərəs galenan lusor viles, losəvar natit gail lototətan hən. Lohum narivatvat, lohusur naləηonian hən nibelit ηai gol lomədas galit səbolit vəmasig. ¹¹Ereh! Nəpanismen ipat vir galito husur lupal sob, lohusur nəpisal siKen togol aṽan tomat. Lugam husur nəvat gol lotosab suḃan aPalaam toləηon masuṽ hən nəvat. Ale suḃan aKorah tomətahun aMoses, dereh limasig husur lomətahun aGot.^f ¹²Hum nasəhau məttoləboi məḃibat lan, nəvanuan galenan lomədas nəḃonan samito nəboη məttohan ḃonḃon len nəhanan na-ləmas-buni-an gail. Ləsənu avan ideh am be lokətkəta təban galit səbolit ηai, lohum nəmarigw nəlan toṽuvi be saləboi bəus, lukele ke lukad isobur be ləsəboi ləḃigol natideh. Losuḃan nəhai topar ṽite len nəboη hən nəmatuan, nəvanuan gail lotoput kuvi, imat ebun ¹³Lohum nətas kudkud topus, nabubus han tosel vahut, tolav

^b 1.4 Kal 2.4; Tit 1.16; 2Pit 2.1 ^c 1.5 Exo 12.51; Num 14.29-30 ^d 1.7 Gen 19.1-25

^e 1.9 Abiltiηel: 1Tes 4.16 *Maikel*: Dan 10.13, 21, 12.1; KelV 12.7 *Niben aMoses*: Deu 34.6 *Sivoh*: Zec 3.2 ^f 1.11 *Ken*: Gen 4.3-8 *Palaam*: Num 22.1-35. *Korah*: Num 16.1-35

nəpahsago hən nəgolean salito tomədas nahəsalito. Lohum nañeso lotorus dan nañisal salit gail. Ŋa aGot etəgau gat naut len nəmargobut tomtotmot vi sutuai vir galito.

¹⁴Nau aEnok tovi naməlevruan len nəpasusan aAtam toil a m̃o həni, evi naməlevtesan tohusur aAtam. Gai boh epəhav utaut husur ahai p̃usan gəgəras galenan, ike, “Məteris! Nasuḅ aGot satogəmai mai nabiltiḅvoh hən aṅel san gail,^s ¹⁵hən ḅənənoṽ hən nəvanuan gail p̃isi mai nəbathut nakitinan. Dereh tēpəpəhun navoian dan nəsaan, tikel vəhot nəpanismen tosil nəsaan gail p̃isi silat lotomətahuni. Dereh teriṅ nəpanismen len nəvanuan nəsaan galenan sil na-sor-mətahuni-an p̃isi lotokele nəboṅ lotosor tasi.”^h ¹⁶Ahai p̃usan gəgəras galenan lukoblen tabtab. Lusor vilevil, lohusur naləṅonian tosa salit səḅolit ŋai. Lusor patpat galit məhat, lusor hehe hən nəvanuan gail hən ke nəvanuan gail ləḅəhusur galito mai viol hən natit mai galito.

Nalələgauan gail

¹⁷Be gamit notoləmas bun gamit p̃isi, nuke mitinau təlman hən nasoruan ahai p̃ispisul siMasta sidato, aYesu Kristo, lotokele a m̃o mai gamito. ¹⁸Luke, “Len nəboṅ hən nanoṅan hən navile a pan, dereh tikad nəvanuan gail ləḅisor viles nakitinan aGot tokel vəhoti mai ləḅəhusur naləṅonian salit gail tosa.”ⁱ ¹⁹Ahai p̃usan gəgəras galenan dereh lepəpəhun gamito, naləṅonian salit gail luwol hən nəmauran salito husur aNunun aGot eḅuer len galito. ²⁰Be gamit notoləmas buni gamit p̃isi, məteil gəgat am akis len nakitinan, hən nadələmian samit togəm len aGot ḅidaṅ am. Sor tuṽ len aNunun aGot, ²¹təgau gat tabtab hən nəmauran toṽusan naləmas-buni-an siGot. Vatvat vir nəmauran vi sutuai, aMasta sidato, aYesu Kristo ḅeviol həni mai gamito len nəlon totaṅis gamit tia.

²²Nələmit titaṅis alat nələlit tour nadələmian salito. ²³Lav kuv nəvanuan tile gail, səḅul galit dan nəhab hən nəpanismen. Ikad nəvanuan tile gail am, nələmit titaṅis galito, be mətelələgau hən gamit hən asike nəsaan salit ləḅidos gamito, mətemətahw hən asike məḅəlis gamit len nəsaan salito.^j

Nə-sal-suhi-an

²⁴⁻²⁵Nə-sal-suhi-an vi təban AGot toləboi ḅetəgau gat gamito hən asike məḅipēs haḅetw, asike məḅbiteh. Eləboi ḅeriṅ gamit məteil len nəhon tokad namənas, natideh tosa toḅuer len gamito, mətukemkem. Gai evi

^s 1.14 Gen 5.18, 21-24 ^h 1.15 Ris Enok 1.9 tovi naləḅulat seJu gail. Naləḅulat lotokisi hən aEnok səpat len nasoruan siGot. ⁱ 1.18 2Pit 3.3 ^j 1.23 Len nasoruan ta Kris ike, *Mətemətahw hən nahurabat salito, nəsaan salit todos gail, mətemətahun bun gail am. Nasoruan enan evi nasoruan kəta.*

aGot səḃon tosua ŋai, səkad ideh am. AGot, len nəsa aYesu Kristo, aMasta sidato togole ṃos gidato, aGot ilav kuv gidato dan nəpanismen tonor hən gidato. Namənas, nəyalyalan, nədaŋan mai na-il-a-ṃo-an lovi esan len natuḃatan, gagai, mai vi sutuai. Ganan!